

增修登州府志卷之十三

海防

水師營制

明崇禎末水師三營

國朝順治二年裁為一營設遊擊守備領之九年裁
遊擊十八年移臨清鎮為登州鎮歸鎮標節制康
熙六年撥鎮標左營守備一員千總一員把總二
員管領沙唬邊江船十三隻水兵三百八十六名
為水師營駐劄水城分防東西海口四十二年增

增修登州府志

卷十三

海防

一

設遊擊二員守備一員千總三員把總四員增兵
為一千二百名改沙唬船為趕繪船二十隻分為
前後二營撥中右二營步兵歸之分巡東西海口
東至寧海州西至萊州府而止五十二年移前營
遊擊駐膠州巡哨南海後營仍駐水城巡哨北海
既而裁後營以後營遊擊領前營裁兵七百名又
撥回中右二營原兵歸伍裁趕繪船十隻

送奉天
旅順口

水師營
管駕

止存水師前營遊擊一員守備一員千總

二員把總三員趕繪船十隻分南北兩汛遊擊守

備分領之雍正七年增設把總一員每船增兵十名又增雙蓬船七隻兵二百十名每趕繪船配兵六十名船船配兵三十名南汛船船三隻北汛船船四隻九年又增船船三隻兵一百九十名每船船配兵四十名南北汛各五隻十二年增設外委千總二員外委把總四員又撥南汛千總一員外委把總一員北汛把總一員外委千總一員共撥趕繪船二隻雙蓬船二隻兵二百名駐養魚池爲成山東汛乾隆元年增設成山營守備一員

七年裁南北汛船八隻兵三百二十名二十七年增設額額外委三名裁戰兵三名四十七年裁戰兵八十二名守兵十二名四十八年裁守兵二十八名道光十二年裁戰兵九名守兵一名二十二年以北汛洋面遼闊惟守備帶兵一百八十七名不符巡防增設遊擊一員改爲水師後營駐水城并增設千總一員把總二員外委四員額外五名戰兵三百二十名守兵八十名戰船八隻每船配兵五十名專防北汛以北汛守備改爲遊擊中

軍守備駐長山島其東汛仍隸前營遊擊管轄三十年改東汛守備爲前營遊擊中軍守備移駐膠州又改文登營副將爲水師副將兼管陸路增設守備一員又撥前營千總一員後營把總一員兩營經制外委四員額外外委四名由鎮標中右及文膠萊卽青後八營撥戰兵四百名守兵一百名管駕趕繪船一隻紅頭鳥船五隻廣艇船二隻開風船四隻追捕海盜爲文登營水師同治七年撥中右文登寧福四營馬步兵五百二十三名赴煙

增修登州府志

卷三

海防

三

臺海口教練洋鎗并設統帶官一員幫帶官二員正號令官一員副號令官一員帶隊官十員分帶官二十員歸東海關監督登萊青道管轄十二年改前後二營爲登州水師營文登營水師爲榮成水師營以文登營副將爲協統領管轄兩營駐劄煙臺併歸撫標節制

登榮水師副將

原駐煙臺朝夕在船操練不設公署光緒六年改駐登州水城

登州水師營

駐水城天橋口

額設遊擊一員守備二員千總一員把總三員外

委四員額外外委四名戰兵二百六十五名守兵五十名拖繪船七隻自登州天橋口起東至成山頭止西至武定營大沽河交界止北至北隍城島東北九十里止巡防洋面一千七百七十里歲銷俸餉經費一萬餘兩

榮成水師營

駐榮成養魚池口

額設遊擊一員守備一員千總二員把總三員外委三員額外外委三名戰兵三百三十五名守兵五十名拖繪船七隻自榮成縣之成山頭起南至江南交界鶯遊門止計巡防洋面二千零七十里歲銷俸餉經費一萬餘兩

增修登州府志

卷十三

海防

四

附 兵事

漢

王莽既篡徐鄉侯劉快舉義起兵於其國攻卽墨
敗走至長廣死

東漢

永初三年海賊張伯路等三千餘人寇海濱九郡
徵法雄爲青州刺史與御史中丞王宗討之賊遁
走遼東止海島上五年春乏食復抄東萊閒 初
平元年公孫度爲遼東太守越海收東萊諸縣

增修登州府志

卷三 兵事

五

魏

太祖使呂虔督青州諸郡兵以討東萊羣賊李條
等 東牟人王營聚衆三千人爲亂長廣太守何
夔遣王欽等離散之旬月皆平又牟平賊從錢衆
亦數千夔與張遼共討平之又賊管承作亂夔遣
黃珍招降之

晉

光熙元年三月東萊愷令劉柏根反自稱愷公襲
臨淄王浚遣將斬之其黨王彌聚徒海渚爲苟純

所敗亡入長廣山衆復大振入寇青徐長廣太守
宋罽東萊太守龐伉并遇害太傅司馬越徵東萊
麴羨爲本郡太守討彌彌擊殺之 石季龍謀伐
昌黎遣渡遼曹伏率衆戍海島典農中郎將王典
率萬餘人屯田海濱

隋

大業七年遣黃縣公來護兒率樓船伐高麗詣滄
海入自涇水明年又出滄海師次東萊

唐

增修登州府志

卷十三

兵事

六

貞觀十八年以張亮爲平壤道行軍大總管自東
萊浮海征高麗

開元二十年九月渤海靺鞨寇登州刺史韋俊死
之命左領軍衛將軍蓋福慎伐之又命新羅國王
興光爲寧海軍大使使攻靺鞨 天復三年朱全
忠攻王師範於青州六月拔登州

後漢

廣順二年羣盜攻劫居民刺史郭進率鎮兵平之

宋

趙滋知登州會寧海乳山砦兵叛馳入其壘得叛黨百餘人凡五年獲賊無算平之 嘉定十二年

金興定三年

李全敗金師於化湖陂金元帥張林以青

莒密登萊濰淄濱棣寧海濟南十二州來歸

十五年李

全請總一軍於膠西當登州寧海之衝遂增南北貨價而稅其半

金

天會中立偽齊劉豫時山東多盜賊遣兵討之獨負海數百里閒恃險僻剽掠如故於是升寧海爲軍兩水鎮置福山縣扼其咽喉盜始就撫 大安

增修登州府志

卷十三

兵事

七

三年楊安兒叛於山東與張汝楫聚黨攻劫州縣殺掠官吏山東路統軍安撫等使僕散安貞敗之於益都安兒奔萊陽萊州刺史徐汝賢以城降賊勢復振登州刺史耿格開門納賊以印付之安兒遂僭號置官屬改元天順遂陷寧海攻濰州七月安貞軍至萊州僞寧海刺史史潑立以二十萬衆陳於城東沂州防禦使僕散留家以輕兵薄城諸將繼之賊大敗復萊州安兒脫身走耿格史潑立皆降餘賊在諸州者皆潰去安兒嘗遣梁諸實黃

縣甘泉鎮監酒石抹充浮海遼東構留哥已具舟
皆捕斬之十二月耿格伏誅安兒與汲政等乘舟
入海欲走炬嶼山舟人曲成等擊之墜水死斬首
以獻安兒妹四娘子爲貞祐二年寧海郝儀構
李全妻歸於宋亂入崑崙山焚毀寺宇殆盡 興定二年五月萊
州民曲貴據城叛山東招撫司討平之乃命副使
阿魯答等保寧海等處安輯其民河北行省復黃
縣

元

增修登州府志

卷三

兵事

八

至正十七年韓林兒黨毛貴連陷膠萊諸郡進據
登州於登萊沿海立二百六十屯相距各三十里
造大車挽運官民田皆十取其二分遺賊黨徇地
陷萊陽達魯花赤釋嘉納死之十九年賊黨趙均
用殺貴二十一年察罕特穆爾分奇兵閒道出賊
後徇瀕海郡邑克之 二十七年明大將軍徐達
下益都招撫登萊等處參政傅友德徇下萊陽及
諸州縣各遣將鎮守

明

洪武三十二年春倭寇寧海指揮陶鐸擊敗之

永樂四年倭寇威海衛指揮扈甯力守三日都督統兵來援始退 六年倭寇成山衛掠白峯頭羅

山寨登大嵩衛之草島觜又犯鼇山衛之羊山寨

于家莊寨殺百戶王輔李茂不踰月寇桃花關寨殺百戶周盤郡城沙門島一帶抄略殆盡命安遠

伯柳升平江伯陳瑄率舟師沿海捕倭升敗之於

靈山瑄追至白石島

蓬萊海中

百戶唐錠等追至朝鮮

界奏捷還師始置備倭都司 十四年倭舟三十

增修登州府志

卷十三

兵事

九

二艘泊靖海衛之揚村島都督同知蔡福等率兵

合山東都司兵擊之 正統五年倭乘風夜突至

南岸抹直口劫掠居民 正德五年流賊劉六劉

七齊彥名等寇登萊衆十餘萬焚掠甚慘六年三

月攻棲霞主簿段賢拒之力盡城陷十三日陷文

登旋撲寧海焚東門知州章諍禦之屢攻不克抵

福山教諭高越率諸生乘城固守至蓬萊潮水集

入黃境犯招遠知縣申良戰敗之十月陷萊陽居

民死者無算登州官軍躡至方山交戰敗績賊益

猖獗會朝廷調邊兵勦之始遁 十年倭焚沙門
島及大竹鼉磯諸島火光徹南岸倭舟至以千計
郡城戒嚴 十三年寧海白蓮教妖賊磨達撒作
亂州同向璽督兵捕平之 嘉靖三十一年倭犯
靖海衛兵民擊退之 三十四年倭船阻風泊威
海衛之拷桡島官軍不能前數日持刀出始獲之
萬曆二十二年倭焚沙門島沿海戒嚴尋乘風
遁去 二十三年戊登州浙兵因撤鼓譟時副總
兵楊文被論實挑激之海防同知張指南曉諭乃

定 三十五年旅順浙兵因撤鼓譟副使閻士選
在萊州聞變兼程抵登州斬倡亂者始定 四十
三年妖人胡從智以無爲教聚衆於平山知府陶
朗先遣兵擒首惡誅之解散其衆 崇禎二年十
一月招遠賊許湯聚徒據腰山以叛萊陽賊董大
成本白蓮妖賊李盛明黨與湯約元旦同反湯先
期稱亂故狼狽應之驅掠百姓得五千人攻城數
日不克總兵張可大遣兵至焚其六砦斬僞國公
二人大成敗走至蒙陰被獲斬之湯亦撲滅 三

年皮島參將劉興治殺其帥陳繼盛及監軍道黃孫茂等作亂夏以關寧道孫元化爲登萊巡撫改登州鎮爲副總兵以總兵張可大任之以黃龍爲島鎮挂印總兵駐旅順口元化官遼久素言遼人可用遂移所部兵八千人攜妻子自天津航海抵登而以毛承祿爲副將孔有德耿仲明爲游擊李九成爲偏裨

三人皆毛文龍部曲文龍死走入登州黃緣爲將

四年島衆

殺興治龍撫定之八月大凌河告急元化遣有德

等赴援逗遛不前十一月始成行抵直隸吳橋大

增修登州府志

卷十三

兵事

七

雪衆無所得食新城紳士王象春有莊在吳橋一

卒攫雞犬食之王氏子怒訴於有德有德笞卒貫

耳以徇衆大譁九成先齎元化銀市馬塞上蕩盡

無以還適至吳橋聞衆怨遂與其子千總應元劫

有德以叛還兵大掠連陷臨邑新城等六縣山東

巡撫余大成聞變往禦連敗元化軍亦至與大成

皆主撫檄郡縣無邀擊元化遣人持令箭招安賊

佯許之長驅回登

東江歲餉八十萬皆以登爲孔道遼土旣淪葭貂布帛皆由島

上轉輸商旅雲集登之繁富遂甲六郡遼人避難來登者數萬人與地方頗不相安有德輩尤獷悍

視登爲金穴欲得而甘心久矣十二月二十日圍城元化遣參將

張燾率遼兵駐城外而燾潛與賊通總兵張可大率南兵拒賊元化猶招降賊不應五年正月初二日合戰城東南兵方勝遼兵遽退南兵遂敗績燾兵半降賊賊遣三十四人歸士民爭請勿納可大亦諫元化不從日暮縋以入夜二鼓城中火起三十四人者攘臂大呼城中遼人響應中軍耿仲明都司陳光福等開東門納賊城遂陷可大死之賊執元化自刎不殊被擁以去及防道宋光蘭監軍道王徵知

增修登州府志卷十三 兵事 十三

府吳維誠同知賈名傑知縣秦世英等驅城中居民出東門外盡殺之濠塹皆平兵馬器械悉爲賊有有德乃推九成爲都元帥已次之仲明又次之用巡撫關防檄州縣兵餉大成已至萊州命萊營參將張奇功王徐寨守備熊奮渭守黃以障萊及賊攻黃縣力拒兩晝夜十三日城陷知縣吳世揚死之奇功奮渭皆戰死十四日招遠以城降又撲福山知縣朱國梓力禦之二月初三日進攻萊州先是賊令元化移書大成求撫大成爲聞於朝言

官交攻之賊又縱元化光蘭等航海至天津與大成先後詔逮下獄遂以徐從治爲山東巡撫謝璉爲登萊巡撫并駐萊州與總兵楊御蕃分陴固守而兵部尚書熊明遇惑於撫議從治三上疏力言不可萊人戶部侍郎劉重慶等皆力排撫議又請兵告急疏四五上招遠詹事楊觀光亦上疏請三月朝議以兩撫久困城中乃設總督以侍郎劉宇烈充之宇烈素無籌略與巡按王道純總兵鄧玘劉國柱王洪陳洪範副將牟文綬劉澤清等諸援兵俱屯昌邑不敢進日遣使講撫四月從治

中礮死登鎮新任副總兵吳安邦奉令屯寧海率文登兵閒道規取登州福山百戶劉師吉率鄉勇以從時賊衆圍萊州惟仲明居守揚言以城降安邦素怯鈍信之離城二十五里而軍遣兵薄城賊兵遽出中軍徐樹聲被執師吉力竭死之安邦走還寧海天津將孫應龍率舟師招仲明仲明誘入水城殺之賊得巨艦勢益張五月分兵陷招遠知縣李履正出奔遂攻萊陽知縣梁衡禦之敗去島帥黃龍率舟師復登州不克而還七月賊僞約降

期給璉與萊州知府朱萬年出城宣詔皆被執萬年

罵賊死賊送璉於登州尋為李九成所殺於是舉朝痛憤詔逮字烈下

獄遂絕撫議以朱大典為巡撫罷總督及登萊巡

撫不設專任大典與巡按謝三賓督主客兵數萬

又調關外勁旅四千八百餘人總兵金國奇為帥

副將靳國臣劉邦域參將祖大弼祖寬張韜遊擊

柏永馥前總兵吳襄及子三桂皆屬焉而以太監

高起潛監其軍八月十九日官軍至萊州之沙河

有德逆戰寬殊死鬪國臣繼之賊大敗諸軍追至

增修登州府志 卷三 兵事 十四

城下賊夜半東遁二十三日復招遠三十日官兵

至黃縣之北馬賊傾巢來戰眾號十萬設伏於林

大弼等過之不覺國臣等搜林中伏發被圍川營

都司千戶劉光祖陣亡祀黃縣忠烈祠起潛急召

前鋒夾攻賊大奔潰斬萬三千墜海死者無數遂

復黃縣賊竄歸登州掘塹固守九月初一日大兵

圍登州攻城不利築長圍困之起潛及黃龍皆遣

兵守隍城島以防奔逸賊襲破之十一月初三日

九成恃勇出戰官軍斬之於陣賊奪氣皆大哭賊渠

五前攻平度陳有時被殺及是九成亦死孔有德遂縊其二妾獨與耿仲明分城而守毛承祿守水城恃海道可走故不下城中食盡啗婦女然人脂爲鏝六年

正月朔降將馬驄等十四人謀爲內應賊黨蘇有功告變皆被殺二月祖寬奪水城護牆守之十三日孔有德夜航海遁去十六日耿仲明毛承祿亦遁官軍克復大城賊將王秉忠守水城攻之不下十七日遊擊劉良佐匿人永福寺中穴城置火藥轟之城崩官軍涌入賊退保蓬萊閣大典立馬督戰豎招降旗始釋甲俘千餘人自縊及投海死甚增修登州府志卷十三兵事五

衆二十二日有德等襲旅順黃龍率兵禦之三月十六日焚其老營十八日追至雙島擒毛承祿二十九日追至黃島擒蘇有功斬九成子應元於陣有德仲明皆逸去降於

大清亂旣平獻承祿等於朝磔之張燾伏誅孫元化

論斬宋光蘭王徵皆遣戍

登州塗毒年餘賊所至屠戮村落爲墟城市蕩

然無復曩時之盛矣

秋七月孔有德耿仲明舟在鴨綠江黃

龍遣副總兵沈世魁率水師焚之有德等怒其邀擊必欲報之知旅順兵盡出遂導

大清兵襲破其城龍數戰皆敗死之廣鹿島副將尙
可喜亦降於

大清

十年

大清兵取皮島孔有德耿仲明尙可喜率兵夾攻總
兵沈世魁副總兵金日觀力戰死之 十六年二
月

大清兵破萊陽知縣陳顯績教諭孫爾振典史馮昕
死之紳民死者甚衆初十日破棲霞知縣李振秀

增修登州府志

卷三

兵事

六

死之十二日破寧海知州汪逢淵同知李士標吏
目魏世達死之十三日破成山衛旋圍福山知縣
吳聞詩固守不下一十一日攻郡城防撫曾櫻備
禦甚嚴我軍遂去之

國朝

順治元年招遠諸生楊威陰受明福王副總兵職
遂聚衆千餘人據縣城作亂四出焚掠抵福山縛
闖賊所署僞知縣李振綱以出又使其黨姜楷破
萊陽防撫陳錦招撫乃降旣而斬之 四年明兵

科給事中沈迅於所居孫受壘築圩自衛防撫朱國柱進兵圍之迅自焚舉家赴火死 五年樓霞民于七招集亡命據鋸齒山肆行剽掠七年率眾攻寧海知州劉文淇死之時天下初定登州土寇縱橫動輒圍城

朝廷以反側者多每招撫之知府張尙賢權授于七為樓霞把總令其擒賊自效 一時紳士皆畏其強橫多折節與之交

十八年春七之弟九毆萊陽宋彝秉於寶泉山宋忿投兵部告變稱七謀不軌遂檄官兵查捕拒傷

增修登州府志

卷三

兵事

七

官兵

七居唐家泊方出弔於塞口而行查之兵至七妻使于九于十殺之

七懼罪乃

復入山與其黨尹應和及和子秉艘等叛十月遣賊黨邢小泉寇福山知縣申修率紳民擊退之又伏南山欲俟昏夜突城文登營千總李延芳率眾適至奮擊敗之賊黨寧海禪教寺僧常和尚及張振岡等踞崑崙山遂寇文登四出焚掠圍縣城知縣李蔭澄守禦七晝夜都司王允升以二百騎來援射中張振岡賊退保文山允升以火攻之焚死無算始西遁圍寧海城知州文映朝悉力守禦相

持三日聞大兵且至始解去時賊黨段忠續林萬鵬高起英龐應魁各擁眾數千分踞鼇山徐海門徐耀門等亦數千人踞招虎山犯大嵩衛士民擊退之

朝廷命靖東將軍濟席哈率舒穆祿圖喇等及總督祖澤溥統各路兵會勦濟席哈抵萊陽圖喇率兵七百疾馳至棲霞獲城中從賊者二百餘人遂趨鼇山賊聞風遁去十二月朔大兵雲集列營山下七拒守相持兩月康熙元年春七潰圍竄走大兵

增修登州府志

卷十三

兵事

六

斬應和父子餘眾悉降

有謂萊陽同惡者眾欲悉誅之知縣鄒知新力陳於

三大帥保全甚多然猶戮數百人既又搜索萊棲兩邑向之與七相交凡通一刺者皆繫於臬獄株連紳衿又數十百家三年始雪時天狗星入齊分識者以為兵象云餘賊屯於崑崙

招虎等山者副將劉進寶以次擒斬巢穴悉平

後每

歲撥鎮標中右二營步兵百名分防鉅齒山至乾隆間始裁

十六年十二月

文登知縣吳聞啓同守備潘元亮在城放餉兵因剋扣餉銀怨言煩興梟卒劉天成等乘機發難拔刀譁譟元亮踰牆逃歸天成刃傷聞啓擁至文登營置於毘盧菴聞啓創漸平匿不報至十八年四

月總兵何傳訪知劉天成潛赴蓬萊擒斬之傳首
文登副將吳起龍令全營孝服泣迎爲總河靳輔
所劾知縣免議起龍伏法 四十年五月文登營
兵譁謀火礮擊碎轅門衆聚文山聲言副將葉紀
宣淫不道凌虐兵丁知縣佟國瓏出城曉諭始歸
營總兵劉官統遂劾紀不職并擒倡難者斬之

四十一年七月海賊寇威海衛總兵王文雄躬往
調度放礮一日賊於船中演劇自若文登營副將
張陳武欲乘舟火攻文雄不許相持數日賊自颺
增修登州府志卷三 兵事 九
去 四十四年寧海兵譁旋撫定福山爲之戒嚴

五十一年十月十七日海賊抵文登之雞鳴島

今屬榮成

水師後營游擊滕國祥率舟師捕之賊艇圍

攻縱火國祥血戰力竭死之 嘉慶三年秋有紅

衣賊船七隻焚掠諸島各海口皆集民防守七月

十五日犯鎮鄒島居民湯廣譽父子以農器禦之

至成山頭登州北汛守備王再門率舟師往捕衆

寡不敵力戰死之賊抵石島榮成知縣周志傳巡

檢戴允浩率居民禦之颺去 二十一年棲霞土匪

于魁聚眾百餘人劫掠知縣黃揚鏢把總毛春開
擒之餘黨悉散 二十三年七月黃縣有賊匪數
十匿萊山劫掠旋遁去 道光十五年有雙桅夾
板夷船一隻駛入內洋檣沿海口岸嚴杜奸民接
濟二十三日抵威海口閱三日抵崆峒島知府英
文總兵周志林馳往驅逐志林又赴煙臺雇漁船
截口門不令登岸二十九日始出洋南去二十年
六月突有夷船三十餘隻駛入浙洋登岸陷定海
旋北駛登萊洋面徧窺諸島又停泊鼉磯島及煙

臺等處購買薪米牛隻沿海戒嚴二十一年夷人
在粵構兵山東巡撫托渾布駐郡城督辦海防築
沙城鑄大礮人心惶惑居民多遠避者十月夷人
就撫籌辦善後增設水師戰艦以備之 二十五
年海賊屢劫商舟拘人勒贖自十五年後海氛漸
起賊船乘閒剽掠春北秋南習以爲常官軍戰多
不利二十九年官募廣東艇船捕之轉鬪而前擒
斬多名三十年水師後營經制外委范景增
遇賊於文登劉公島外力戰死之時艇船又獲賊

百餘名山東巡撫駐郡城訊明正法保奏艇船頭
目黃福興爲守備福興粵人賊亦聞粵產仇之駛
入石島劫殺其孥幾不免福興懼後年餘遂匿跡
以死聞其黨皆從賊賊益熾官軍不能制商舟漸
稀 咸豐三年髮逆陷金陵調各營兵出征郡縣
皆辦防堵 五年有賊船十三隻劫掠洋面七月
初六日至黃縣龍口沿海團練悉集賊遂東赴黃
河營登岸殺掠俄而居民麴至乃回舟鼓吹徹夜
停泊二日見官所募夾板船至始遁官船追至蓬
增修登州府志 卷三 兵事 三
萊之藥家口發礮擊之盡糜有泅水逃者皆擒斬
之自此海賊絕跡矣 九年僧忠王與夷人戰於
天津沿海設防十年夷船大至備禦益嚴九月中
外通商議成煙臺設東海關分兵守之 十年夏
前戶部侍郎杜翻奉

命爲團練大臣回籍督辦山東團練以備捻匪

起於皖北

私立名號曰堂主曰先鋒或數百爲一捻數千人爲一捻故曰捻匪登州闔屬皆設

防十一年春捻匪東竄進逼青萊陷安邱旋颺去
知府戴肇辰聞之大修郡城八月初旬捻首李成

張閱刑等大股復東竄十三日自卽墨抵萊陽之
黑石埠郡城戒嚴時知府丁憂將去總兵曾逢年
雖宿將而營兵多調在外存城者僅三百餘名人
心震動幸城工甫就稍有所恃知府遂墨經督勵
官紳設團練局增募勇丁登城防守清查保甲以
杜姦細勸釀軍需以備器械又調水師兵百五十
名入城助守留五十名助守水城兵勇口糧皆團
局任之十四日賊抵招遠之新城十五日抵黃縣
之北馬十七日抵蓬萊之藥家口北溝鄉團禦之

增修登州府志

卷三

兵事

三

賊遂沿海焚掠而西十九日抵棲霞旋退二十二
日由黃縣退招遠之磁口二十五日又退至新城
咸以爲飽颺將去矣二十六日賊踞招遠之畢郭
集義道村萊陽之水岔石家莊等處畢郭鄉團禦
之遂奔黃縣黃河營一帶二十七日突有黃縣難
民數百人來奔言賊已至諸由觀二十八日賊犯
棲霞寺口及萊陽各村騎賊二三萬步賊不計其
數二十九日圍招遠其前隊已至黃縣鄉團敗遂
圍城撲攻數次九月初一日分股犯郡遠近難民

紛紛入城至數十萬人各坊設粥廠賑之初二日
西鄉北溝等團與賊戰於北溝廛一晝夜火藥聲
盡遂敗東鄉諸谷等團與賊戰於平山大霧返風
火器不利亦敗兩戰團丁死者共八百餘人團長
皆死之賊進逼城下是夜大風雨總兵坐守南門
知府冒雨巡城以鼓士氣賊肆焚殺火光照山谷
賊騎往來如織又有步賊數千潛行海濱撲水城
值天明始退初三日賊騎聚於教場分掠近城各
村以城頭多巨礮未敢仰攻其大股屯踞潮水新

店等處鄉團戰敗又傷數百人初四日賊分股東
竄圍福山黃縣圍解初五日犯棲霞之臧家莊團
衆被殺幾盡又數股撲煙臺至通神岡煙臺諸商
募洋船以飛礮擊之皆奔去其後股尙擾萊陽穴
坊莊等處初六日入寧海初七日薄城下城頭礮
發斃騎賊數名遂不敢合圍初八日鄉團敗賊焚
掠關廂初九日東犯文登幸文榮兩邑紳民預於
南北數百里山口三十餘處盡築圩牆憑高堵禦
賊不能入其後股犯棲霞唐家坡等處初十日南

犯海陽廢城等村進逼城下十二日圍萊陽十四日攻萊陽不下十六日後隊圍海陽十七日餘賊自寧海牛格村悉入海陽二十日始出境由平度卽墨一帶竄去賊所至必先以騎賊吹號筒喊叫縱火步賊繼之搜括淫殺慘不忍言窮巖深谷靡有孑遺又沿途裹脅以備驅策故衆且百萬遇鄉團交戰則以梟騎衝突團衆無馬多爲所敗每獲團長爰鋸剖磔備極楚毒以洩其忿生靈塗炭至斯已極各州縣士民殉難至七八萬人被擄亦數

萬人得還者十二三焉 同治六年捻首任柱賴汶洸張總愚等率衆十餘萬搶渡運河由泰安博山東竄萊州山東臬司潘鼎新提督劉銘傳統兵追勦五月二十八日賊抵萊陽攻破孫受民團夜犯海陽行村寨等處進逼城下賊知煙臺百貨委積無城郭率衆疾趨之爲洋礮所卻遂奔卽墨時郡城戒嚴難民爭避入城知府豫山督官紳設局防守總兵周惠堂助之營兵口糧仍由團局給發中水二營薄之撤兵喧譟優給之始定旬日以來

官軍爲賊所隔文報不通訛言四起有謂賊大股
尙遠萊陽各處皆土匪無足慮者知府乃出示令
各鄉堅守不得輕自移徙致匪徒乘機搶奪煙臺
本道潘蔚又有自帶潮勇三百名出巡彈壓之諭
鄉民值農忙顧戀禾稼皆信之而大帥李鴻章以
登萊三面距海定棄地滅賊之策驅賊東駛蹙之
一隅遂於萊州膠萊河西岸築長牆南北二百八
十里調各路七十九營分段扼守欲使聚而殲旃
又以布置未畢不肯輕戰賊遂縱橫於河東萊州

增修登州府志

卷三

兵事

三

四屬登州十屬徧遭蹂躪鄉民之不動者皆被其
害村無完戶六月初八日賊犯萊陽棲霞海陽招
遠每股或三四百騎或一二百騎而步賊殊少初
十日攻棲霞城礮發始退又犯蓬萊福山十三日
撲黃縣城旋夜遁去十五日馬步二萬餘踞福山
磁山之下又分股撲寧海城十七日賊全隊踞棲
霞艾山彌漫山谷會各營哨探之兵乘閒騷擾招
遠民團格殺數十名檢得號衣腰牌始知爲官軍
也營官王心安來郡催餉欲入城城中難民誤認

爲賊一時大譁經府縣再三撫諭始定其偕來幕
友前蓬萊典史楊茂松在西鄉掠人騾馬鄉民劉
某以銃禦之旣知爲官兵懾不敢動楊遂嚮割之
而去七月初旬賊移隊踞萊陽小姑河一帶圻卸
民房紮縛巨筏聲言將涉海掠諸島又分踞卽墨
勞山伐木樹砦其掠各邑之賊皆陸續歸隊示將
久據以懈我兵而新河圻牆亦垂成矣二十日夜
閒賊忽於筏子場毀牆突出餘賊亦於諸城海灘
南竄官軍聞之仍尾追而去自辛酉之亂各州縣
增修登州府志卷十三 兵事 三
民深懲覆轍多築土圻石堡以自衛至是堅壁清
野賴以保全者不少然相持五十餘日一城聚數
十萬人一圻聚數萬人炎暑蒸灼癘疫大作死亡
殆半洎七年夏捻聚畿南又於運河築牆圍困幸
河水暴漲賊不能渡始盡滅之